



Совинак қори билан мағзава қори



Совинак кори:(Совинак кори — енгил-елпи, чала кори.) — Бу йил бай пули (Бай пули — баъзи одамлар рўза арафасида корига бай пули бериб мархумлари хакига Куръон туширтирадилар.) неча кишидан олинди, Мағзава кори? (Мағзава кори — эзма кори) Мағзава кори: — Э-эй, бу йилги рўза, маза йўк ошнам. Такрор пули(Такрор пули — корилар йил давомида Куръон ўкиб такрорлаб турадилар. Савобталаб бирон киши ўкилаётган Куръонни мархумлари рухига хам багишлашни сўраб корига пул беради.) хам чикмайтурган, кўринадир.

- Ха, нимага?
- Нимага бўлар эди, хатмчи(Хатмчи — (хатм-тамом килиш, тутатиш) мархумлар арвохиға атаб Куръон туширтирувчи ва шу муносабат билан худойи килувчи.) йўк...
- Итни урсанг Куръон туширтиратурган чикибдир-ку, хатмчи йўк эмиш!
- Бор-борликка. Аммо мўмайрок митат(Митат — даромад (арабча: мўтот — хак, ужра).) чикаратурган хатмчи йўк!
- Иш билмагандан кейин хатмчи ҳам йўк, митат ҳам йўк!
- Совинак дейман, сан нимани билдинг!!!
- Мен иш билдим, сен саллага зеб бериш билан идгом маъалгуннани(Идгом маъалгунна — араб тилида ўхшаш харфни бир ёзиб иккилантириб димогда ўкиш (тажвид илмида); бу ерда Куръон зеб бериб тиловат килиш маъносида.) билдинг!
- Хўш-хўш?
- Нима хўш-хўш, индинга Пўлавоининг хатмини битирсам, уттаси кундан Шўлавоининг хатмини бошлайман. Ундан кейин Сўнавоиники. Шундай килиб бу рўзаи мохи шарифда энг ками беш миллиард митат!
- Ха-хха, хаммасидан ҳам бай пули олдингми, Совинак?
- Олдим. Пўлавойдан беш юз, Шўлавойдан икки юз, Сўнавойдан уч юз!
- Кандай килиб?
- Пўлавоининг олдиға бориб: «Шўлавои акам бу йил хатмни катта килар эмишлар, шундай огир вақтларда унча-мунча одамға хатм килдириш ҳам кийин...» деб юрагиға ўт солиб кўйдим. Сўнавоининг дўконига тушуб: «Бу йил хатмингиз йўкми, одамлар: «Сўнавоининг дамаси(Дама — ўчокка хаво юборадиган асбоб, дамгир; бу ерда: гайрат, авж, куч маъносида.) йўкрок» деб сўзлашадилар», деган сўз билан унинг ҳам пайтавасиға курт тушурдим. Шундай килиб йўк ердан ёлгуз ўзимға уч хатм чикардим. Мана иш, ана митат!
- Магзава кори кўнглининг энг чуқур жойидан чикариб, уф-ф-ф деди ва хасратидан чанг чикара бошлади:
- Бу йил бахтимиз сувға урган экан Совинак, ҳеч бир хатмчи «итмисан, эшакмисан» дея бермагач, ноилож «шунча такрорлар бекорға кетмасун» деб ўзимни бозорға сола бошладим. Каерда бир эски хатмчини кўрсам маддох баччалардек жоврадим: «Эшбой акам хатмға айткан эдилар, бу рамазон кўлим тегмайдир», дедим. «Маним кўнглим сизда эди...» Иккинчи бировни кўрганда: «Бу йил хатм жуда кўб кўринадир, Тошкандда ўнг минг кори бўлса ҳам етишмас». Нихоят шунчалик авроқлар билан ўлиб-кутилиб битта жибизини топсам ҳам лекин кургуринг мандан ҳам ўлумтук экан: «Беш кунлик килсангиз канча оласиз-у, уч кунлик килсангиз канча берамиз(Куръонни кунда ўн порадан ўкилса уч кунда, олти порадан ўкилса беш кунда хатм килинади. Беш кунликнинг баҳоси ортик бўлади.). Мардикор пулингизниги олиб, ифтор билан сахарликни уйингизда килсангиз калай бўлар экан» дейдир.
- Кизи талогинг пудратини(Пудрат — хизмат хаки) берар экан-да, хо, хо, хо!
- Шуни айткина, Совинак. Шундай килиб хатмни беш юз милли-онға баҳолаб олдим. Уч юзни ўзим олсам, икки юзни сомёға(Сомё — корилар ва шогирддари ўзаро Куръон тиловат килиб ўтиришса «даврадош» дейилади; кори таровихға ёки ифторға бир шогирди — сомё (эшитувчи) билан бирға боради. Кори тиловат килаётиб адашса сомё лукма солиб туради ва ўзи ҳам тиловатда иштирок этади. Бу хизмати учун сомё ҳам хак

олади.) бераман. Уч юзинг нос пулига хам етмайдир. Бу йил маза йўк ошнам...
Шилгай.

«Муштум»: Окчани кам берсалар «ялмаш» усулини(Ялмаш» усули — тез-тез, нари-бери ўқиш.) қўллаш керак. Куръонни ялмаб ўқуйсан, десалар «бир мирига келгани шу» деб жавоб бериш керак.

«Муштум» — 1923 йил, 7-сон.

Абдулла Кодирийдан